

## Te Kura Kaupapa Māori o Ngā Mokopuna

4.1 Ko tona ake kainga te ao tuatahi me te kura timatanga o te tamaiti. Tua atu o tenei ko te ao Māori. Ma te Kura Kaupapa Māori ia e arahi i roto i enei nekeneke tae noa ki tona kura whaka-mutunga, ara, ki te ao whanui me ona ahuatanga katoa.

# He Puna Kōrero

Wāhanga 3 - Wiki 8

Pānui - Rāmere 08 o Mahuru 2022

*“Ko te Aho Matua te tāhuhu o tōku whare. Ko te reo, me ōna tikanga, ngā heke, whakamau. Ko te whānau, te whanaungatanga ngā pou.”*

Te waka o Ngatokimatawhaorua, te iwi o Tūwharetoa, Ngapuhi hoki nāua mai haere mai e Manaia-Leigh Winkels, te tuahine o Rocky rāua ko Joe, te tamahine o Papa Joe rāua ko Whaea Filipa. I te wiki tuarima o te wahanga nei, i pohiritia mai e te kura nei i a ia, tōna whānau katoa, Te Kaahui Kohanga Reo. Tino ngakaunui a Manaia-Leigh ki ngā mahi Te Rehia, te kōrerorero, te waiata.

Ka mihi atu hoki ki a Rupuha Dunn-Albert, tau 8. I hoki mai ia mai Te Kura Kaupapa Māori o Te Piipiinga Kakano Mai i Rangiatea.



## 2022 Poiwhana

*I te Ratu te 13 o Mahuru  
i haere mātou ngā  
akomanga  
Kohungahunga,  
Kopuapua Teina,  
Tuakana ki te taiwhanga  
hakinakina, ki ASB ki  
ētahi whakataetae  
poiwhana. Kātahi te rā  
ko tena! I whakawehea  
te akomanga ki nga*



*tima e toru, ko Waiti te tima tuakana, ko Waipunarangi te tima teina, a ,ko Waiata te tima Pipi Paopao. E 9 katoa nga kemu ma ia tima.*

*He rawe te takaro, ko te wairua hikaka, wairua toa me te wairua hakoakoa te kaiwhakahaere o te ra! He rangi roa, i pau te hau, heoi, he rangi tino pai mo te whakapiki pukenga, me te harikoa hoki o nga tamariki! He mihi nui ki a Matua Stefan, te papa o Stella Atawhai, i piri mai hei kaiawhina ki a Whaea Te Ngawari me te tima Waiti, ki a Matua Matiu i tiaki i te tima Waipunarangi, ka mutu ki a Whaea Erena i tiaki i te tima Waita, Whaea Gina – Tau 3, Whaea Ana – Tau 4. Mauri Ora!*

# Te Kura Kaupapa Māori o Te Raki Paewhenua



*Te wiki o te reo Māori: I tae mai Te Kura kaupapa Māori o Te Raki Paewhenua ki te whakakōtahi ai tātou ko ngā kura kaupapa Māori e rua. Neke atu i te 100 rau tāngata i powhiritia mai e tātou o Ngā Mokopuna. Ko te whakawhanaunga, ko te kaitahi ngā mahi matua i tēnei rangi. Ka nui te pai te hononga nei ki ngā tamariki o ngā kura, i*

*hakaina, i waiata, i takaro poitukohu, i kai, i karakia ngātahi i mua i tō rātou wehenga ki ngā waahi miharo o Te Whanganui a Tara.*

# Te Petihana

*14 o Te Mahuru 2022 - Wharekura Teina*

## Ata

I te 14 o Māhuru i haere te Wharekura o Ngā Mokopuna ki Te Puna Mātauranga o Aotearoa kia tautoko i te whakatūwheratanga o te Petihana mō te reo māori. I te taenga ki reira i whakataki ētahi karakia kia pai ai te rere o ngā mahi o te wā. Whai muri i ngā karakia i urua ki roto i te Whare Pukapuka hei titiro ki ngā taonga tuku iho, Hei titiro ki te Tiriti o Waitangi me te Petihana mō te reo māori ano hoki. I te otinga o te tiro ki ngā taonga i taki noho ki ngā turu kia whakarongo ki ngā korero o ngā rangatira. Ko te nuinga o ngā korero e whakamārama ana i ngā mahi kia pai haere te rere o te reo o ngā tau e heke mai nei. Ko ētahi atu o ngā korero e whakamārama ana ngā mahi o aua wā e hāngai ana ki te Petihana me te rangatiratanga o te reo māori. Ko ētahi o ngā kaikorero i korero ko Tame Iti, ko Karepa Wall, Rawinia Higgins raua ko Willie Jackson.

*Nā Tutahi Haruru-Devonshire - Tau 9*



## Ahiahia

I te ahiahia o te Raapa i hikoi ngā akonga Wharekura ki te Whare Paremata ki te whakanui i te rāwhanau 50 o te Petihana reo māori. I tae atu e maha o ngā kura ki te Whare Paremata ki te whakanui me te whakarongo ki ngā kōrero e pā ana ki te hītori o te petihana. Ko Tom Roa te tangata tuatahi i kōrero, i timata tana kōrero me te haka “Ka mate” katahi i kōrero ia e pā ana ki terā rā whakahirahira me tōna harikoa kua ora tonu te reo Māori. Whai muri i a ia i kōrero a Rawinia Higgins, e pā ana ki te whakaora o te reo Māori. Whai muri i a Rawinia Higgins i kōrero a Moana Maniapoto i whakaohoho ia te mātoru katoa ki te waiata ‘Ngā iwi e’. I kōrero ētahi atu o ngā tāngata pērā ki a Willie Jackson, Grant Robertson, Nga Tama Toa, me te Reo Māori Society I pai ta rātou kōrero nā te mea i ako ahau e maha ngā korero e pā ana ki te hītori o te petihana.

*Nā Hoani Hohipa-Collins - Tau 9*

## Tuhinga whakarāpopoto

I te 14 o Hepetema 2022 i haere ngā Wharekura ki te whakamana, whakanui i te petihana Reo Māori. I oho moata tātou kia tae atu ki te Puna Mātauranga o Aotearoa i te wa tika. I karakia tahi, katahi i hikoi roto. I kite mātou i te whakaaturanga o te Petihana Reo Māori, i whakarongo mātou ki ngā kōrero maha. I kōrero hoki a Tame Iti. Katahi ka kai, ka waiata. I hikoi haere mātou ki te Whare Paremata ki te whakamana, whakamotuhake o te rā nei. Maha ngā kōrerorero o tēnā, o tēnā tāngata. I waiata te roopu katoa. Ko tētahi kōrero i rongohia ahau ko te korenga o te Reo Māori i āua rā, kare te maha o ngā tāngata i te mōhio pehea ki te kōrero Māori na te take i rāhuitia e ngā kura i te korero Māori.

He rā motuhake, he rā whakahirahira mō te ao katoa. He rā nenge mōku i te mea i oho moata.

*Nā Hawea Austin Tau 9*




# Te Petihana 14 o Te Mahuru 2022 - Wharekura Teina



# Hākinakina o te wiki

## Kauhoe



Mōhiti kauhoe - kia kaha mātua mā me mau mai mōwhiti kauhoe ia Rāhina. He uaua ki ako ki te kauhoe mehemea kare ō rātou mowhiti.

Ka karakia tuatahi ngā tamariki i mua i te wehenga, manawanui mai e te whānau ki ngā tikanga o te kura.

Me tae wawe ngā mātua ki te kōhi i au tamariki hei te 3pm mai i te puna wai kaukau, kamakama mai e te whānau!

## Hākinakina Hou Wahanga 4

**Poitarawhiti** - hei te wahanga tuawhā - Rēhita mā te taupānga <https://www.sporty.co.nz/tkmmokopuna>. Hei ngā Rāhoroi ēnei kemu ki Motu Kairangi mo ngā akomanga e 3, ko ngā kōhungahunga, kōpuapua teina, kōpuapua tuākana anō hoki. Mehemea he tau 4 tāu tamaiti i tēnei tau, ā, kei te hiahia tāu tamaiti ki te takaro poitarawhiti hei tērā tau 2023 me takaro ia hei te wahanga tuawhā kia pakari ai ā rātou pukenga kia ngawari ake mo ngā kaiako hei ngā tau kei te heke mai. Whakamōhio mai ki ahau mehemea kei te wātea koe ki te whakahaere/whakaako rānei i tētahi o ēnei kapa. Tau 0-2, tau 3/4 [muri@tkmmokopuna.school.nz](mailto:muri@tkmmokopuna.school.nz)

**Poiuka** - Kei te kōhi rehita te karapu o Taputeranga mo ngā kapa poiuka, wahanga 4. <https://www.sporty.co.nz/islandbaysoftball> Hono atu ki tēnei whārangi ki te rehita i tāu tamaiti, mehemea kei te watea koe ki te whakahaere/whakaako rānei whakamōhio mai. U9s, u11s, u13s. Hei te 10-11 o Mahuru kei te whakahaere tētahi whakapakari pukenga mo ngā tamariki u13s/u15s whātoro atu ki te aka haumi o Poneke ki te rehita. <https://www.wellingtonsoftball.org.nz/Player-Development/wsa-regional-development-camps>

**Whutupōro pā** - Hei te wahanga tuawhā kei te rehita ahau i ngā kapa whutupōro pā, ā, hei ngā Rāapa ngā kemu katoa. Kei te taupānga <https://www.sporty.co.nz/tkmmokopuna> nei te rehita mo ngā kapa, kōhungahunga tau 0-2, tau 3-4, tau 5-6, tau 7-8, kei te rapu hoki i ngā kaiwhakaako (coach) me ngā kaiwhakahaere (managers) mō ngā kapa nei, kia kaha hoki te reo Māori. Hei te wahanga tuawhā noa kei te tū tēnei whakataetae ki te hub o Poneke, Kilbirnie. Huroo!!

Kia kaha mātua mā, kaua e rehita tāu tamaiti mehemea kahore ō takohanga ki te kapa, ki ngā tamariki rānei. (If you register your child please commit to the team, it is really hard when tamariki are constantly missing from games and we have to ask other tamariki (and their guardians) to stay and fill-in.)

Please ensure you have correct kākāhū hākinakina to be purchased by whānau. We will put an order through in week 9 this term for term 4 orders. Shorts, tshirts and hoodies.

|                         | Hōtaka Wahanga 3 - 2022                                                     |                                                                     |                                                                                              |                                                                     |                                                  |                                                                                                          |
|-------------------------|-----------------------------------------------------------------------------|---------------------------------------------------------------------|----------------------------------------------------------------------------------------------|---------------------------------------------------------------------|--------------------------------------------------|----------------------------------------------------------------------------------------------------------|
|                         | Āta pānui tēnei hōtaka ia wiki mehemea kua panoni ētahi o ngā whakaritenga! |                                                                     |                                                                                              |                                                                     |                                                  |                                                                                                          |
|                         | Rāhina                                                                      | Rātū                                                                | Rāapa                                                                                        | Rāpare                                                              | Rāmere                                           | Rāhoroi/<br>Rātapu                                                                                       |
| WIKI 5<br>22/8-26/8     | Pōhiri ki ngā tamariki hou<br>9.30am<br>WCC: Kauhoe - 1-3pm                 |                                                                     |                                                                                              | ASB - Hākinakina 1-3pm<br><br>Parakitihī poitarawhiti 3:15pm ki ASB | Whakahōnore (R)                                  |                                                                                                          |
| WIKI 6<br>29/08-02/9    | j                                                                           | Manu Kōrero - Tau 0-5                                               | Manu kōrero - Tau 6-8                                                                        | ASB - Hākinakina 1-3pm<br>Parakitihī poitarawhiti 3:15pm ki ASB     | Rā hapu (MM)<br>Rā kahu tahi (onesie day)        |                                                                                                          |
| WIKI 7<br>5/9-9/9       | WCC: Kauhoe - 1-3pm                                                         |                                                                     | Pukana - 9-11pm                                                                              | Karekau he hākinakina ASB                                           | Kiriata 'Muru' ki Empire tau 7-13 (kākāhū ōkawa) |                                                                                                          |
| WIKI 8<br>12/9-16/9     | Te Wiki o te reo Māori                                                      |                                                                     |                                                                                              |                                                                     |                                                  |                                                                                                          |
|                         | WCC: Kauhoe - 1-3pm                                                         | Petihana o TWoR (wharekura)<br><br>PSW Futsal Tau 0-4 ki ASB 10-2pm | Haerenga ki Paremata ki te whakanui 50 tau te pētihana reo Māori 10-30am-1:30pm (kura katoa) | Karekau he hākinakina ASB<br><br>PSW Futsal Tau 5-8                 |                                                  |                                                                                                          |
| WIKI 9<br>19/9-23/9     | WCC: Kauhoe - 1-3pm                                                         |                                                                     | Haupoi-a-roto<br>ASB - tau 5/6/7                                                             | ASB - Hākinakina 1-3pm<br><br>Hui kaihautū 6pm                      | Whakahonore (TK)                                 |                                                                                                          |
| WIKI 10<br>26/9-30/9    | Rā Maumahara o Kuini Irihepti                                               |                                                                     | Hui-a-whānau 6pm<br>Whakangahau ki te taone (taiohi)                                         | Taki Rua whakaari Ki te kura 0930am<br><br>ASB - Hākinakina 1-3pm   | Rā whakamutunga                                  |                                                                                                          |
|                         |                                                                             | 2022 Manu Kōrero a motu                                             |                                                                                              |                                                                     |                                                  |                                                                                                          |
| Hararei Tuatoru         |                                                                             |                                                                     |                                                                                              |                                                                     |                                                  |                                                                                                          |
| WIKI 1<br>17/10 - 21/10 | Pure 6am<br><br>Pōhiri - 9:30am                                             |                                                                     |                                                                                              |                                                                     | Rā Kaiako / kaimahi                              |                                                                                                          |
| WIKI 2<br>25/10 - 28/10 | Rā Reipa                                                                    | WCC: Kauhoe - 1-3pm                                                 |                                                                                              |                                                                     |                                                  | Wananga - Kapa Haka: Mokopuna ki Tai E! Rā e rua: 12 - 6pm                                               |
| WIKI 3<br>31/10 - 04/11 |                                                                             | WCC: Kauhoe - 1-3pm                                                 | Bee Healthy - te kura katoa                                                                  | Bee Healthy - te kura katoa                                         | Bee Healthy - te kura katoa                      | Wananga - Kapa Haka: Mokopuna ki Tai E! Rā e rua: 12 - 6pm                                               |
| WIKI 4<br>07/11 - 11/11 |                                                                             | WCC: Kauhoe - 1-3pm                                                 |                                                                                              |                                                                     |                                                  | Wananga - Kapa Haka: Mokopuna ki Uta E! Rā e rua: 12 - 3pm                                               |
| WIKI 5<br>14/11 - 18/11 |                                                                             | WCC: Kauhoe - 1-3pm                                                 |                                                                                              |                                                                     |                                                  | Kapa Haka: Mokopuna ki Tai E! 19.11.22: 12 - 6pm<br><br>Rā Ngāhau<br>Ngā kapa e rua e tū ana<br>20.11.22 |
| WIKI 6<br>25/11 - 25/11 |                                                                             | WCC: Kauhoe - 1-3pm                                                 |                                                                                              |                                                                     |                                                  |                                                                                                          |